



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-528/23
Sarajevo, 29.03.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 26. sjednici održanoj dana 29.03.2023. godine, usvojilo je

Izveštaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2022. godini.

PREDSJEDAVALA GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

IZVJEŠTAJ
O PROVOĐENJU ODLUKE O UTVRĐIVANJU I NAČINU SUFINANSIRANJA
SPORTSKIH MANIFESTACIJA OD POSEBNOG INTERESA
ZA GRAD SARAJEVO U 2022. GODINI

Sarajevo, mart 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



I UVOD

Programom rada Gradskog vijeća Grada Sarajeva za 2023. godinu predviđeno je razmatranje Izvještaja o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2022. godini.

II NAČIN FINANSIRANJA MANIFESTACIJA OD POSEBNOG INTERESA ZA GRAD SARAJEVO

Gradsko vijeće Grada Sarajeva donijelo je Odluku o utvrđivanju i načinu sufinansiranja sportskih manifestacija od posebnog interesa za Grad Sarajevo („Službene novine Kantona Sarajevo“, broj 10/19).

Istom su utvrđene sljedeće manifestacije od posebnog interesa za Grad Sarajevo:

- Memorijalni karate turnir „Kup oslobođenja – Salih Salko Ćurić“;
- Međunarodni memorijalni košarkaški turnir „Mirza Delibašić“;
- Međunarodni memorijalni turnir u dizanju tegova „Andrija Maleč“;
- Međunarodni memorijalni judo turnir „Vinko Šamarlić“;
- Međunarodni Šestoaprilski turnir u fudbalu U-15 „Josip Katalinski Škija“;
- Međunarodni turnir u ritmičkoj gimnastici „Suada Dilberović“;
- Međunarodni košarkaški turnir „Davorin Popović Dačo“;
- Memorijalni bokserski turnir „Braća Kadić“;
- Međunarodni memorijalni bokserski turnir „Mustafa Hajrulahović Talijan“;
- Međunarodni memorijalni judo turnir „Alija Miladin“;
- Međunarodni karate turnir Karate World Grand Prix „Alija Izetbegović“;
- Međunarodni teniski turnir za juniore-ke do 16 godina „Open RCT Barcelona 1899-Sarajevo“;
- Međunarodni velemajstorski šahovski super turnir „Bosna“ Sarajevo;
- Međunarodni turnir u sjedećoj odbojci „SARAJEVO OPEN“;
- Međunarodno skijaško takmičenje FIS Kup „Djeca za mir u svijetu“;
- Međunarodni turnir u hokeju na ledu „Sarajevo kids“;
- Evropski judo kup Top ranking;
- Međunarodno FIS takmičenje u snowboardu „Europa KUP Sarajevo“;
- Međunarodni plivački miting „Sarajevu s ljubavlju“;
- Međunarodni vaterpolo turnir „Sarajevo Champions Challenge“;
- Šestoaprilski turnir u hrvanju „Kup grada Sarajeva“;
- Međunarodni Šestoaprilski turnir u kuglanju za slijepe i slabovidne osobe;
- Međunarodni Šestoaprilski turnir u streljaštvu;
- Međunarodni Šestoaprilski turnir u košarci;
- Sarajevski polumaraton;
- Međunarodni fudbalski turnir U-17 „Igraj fudbal živi život“;
- Međunarodni skokovi u vodu „Bentbaša“;
- Šestoaprilski turnir u streljaštvu za invalide;
- Međunarodni plivački miting „Mladi za mlade“;
- Sportske igre mladih;
- Međunarodna gradska atletska trka „Viviccita“;
- Sportske igre Oaze

Odlukom o utvrđivanju i načinu sufinansiranja sportskih manifestacija od posebnog interesa za Grad Sarajevo definirani su opći i posebni kriteriji, kao i procedura za finansiranje navedenih manifestacija. Organizatori manifestacija su dužni podnijeti gradonačelnici Grada Sarajeva, putem Gradske službe za obrazovanje, sport, kulturu i mlade, zahtjev za sufinansiranje manifestacije. Ovaj zahtjev mora sadržavati detaljan i obrazložen program sa svim aktivnostima, planiranu finansijsku konstrukciju programa, kao i kompletnu dokumentaciju kojom se dokazuje ispunjenje općih i posebnih kriterija, najkasnije do kraja septembra tekuće godine, kako bi se mogla planirati sredstva u Budžetu Grada Sarajeva za narednu godinu.

Gradska služba za obrazovanje, sport, kulturu i mlade procjenjuje programe manifestacija sa stanovišta značaja za Grad Sarajevo i na osnovu općih i posebnih kriterija za finansiranje manifestacija, te shodno kvaliteti programa svoje stavove sa obrazloženim prijedlogom visine iznosa sredstava neophodnih za realizaciju dostavlja gradonačelnici Grada Sarajeva na daljnji postupak.

Gradonačelnica Grada Sarajeva se obavezuje da sa organizatorima manifestacija zaključi ugovor kojim će se regulirati međusobna prava i obaveze.

Organizatori su dužni po završetku manifestacije gradonačelnici Grada Sarajeva dostaviti izvještaj o namjenskom utrošku sredstava, shodno Odluci o izvršavanju Budžeta Grada Sarajeva.

III KRATAK OPIS SPORTSKIH MANIFESTACIJA OD POSEBNOG INTERESA ZA GRAD KOJE SU SUFINANSIRANE I REALIZOVANE U 2022. GODINI

U pogledu finansiranja programa iz oblasti sporta, iz skromnih budžetskih sredstava Grada Sarajeva, u 2022. godini sufinansirana je ukupno dvadeset jedna sportska manifestacija. Jedan dio manifestacija nije održan.

SPORTSKE MANIFESTACIJE

MEĐUNARODNI MEMORIJALNI JUDO TURNIR „VINKO ŠAMARLIĆ“

Termin: 26.-27.03.2022. godine

Mjesto održavanja: Sportska dvorana Amel Bečković.

Organizator: Judo klub „Željezničar“.

Na jubilarnom 30. Međunarodnom memorijalnom judo turniru „Vinko Šamarlić“ učestvovalo je više od 350 takmičara iz 34 kluba. Prvo mjesto ekipno osvojio je JK „Randori“ iz Istočnog Sarajeva, drugo mjesto JK „Nova Bila“ iz Nove Bile, a treće JK „Vogošća“ iz Vogošće. Proglašeni su i najbolji takmičari. U kategoriji U9 najbolja je bila Hatidža Vražalica iz JK Vogošća, u kategoriji U11 najbolji su bili Fahram Ličina iz JK Bosna, zatim Lazar Lalović iz JK Sparta, te Katarina Pindović iz JK Trebjesa. U kategoriji U13 najuspješniji su bili Nur Hasanahmed iz JK Bosna i Kenan Smailović iz JK Željezničar. U kategoriji U15 pobjedničke pehare dobili su Naila Ibrahimović JK Sarajevo i Mihajlo Bjelica iz JK Famos.

Najbolji takmičari turnira su Džejla Kožljak iz JK Vogošća i Kerim Smajlović iz JK Željezničar.

Za realizaciju turnira odobrena su sredstva iz Budžeta Grada Sarajeva od 5.000,00 KM.

MEĐUNARODNI MEMORIJALNI TURNIR U DIZADNJU TEGOVA „ANDRIJA MALEČ“

Termin: 12.11.2022. godine.

Mjesto održavanja: Hotel Malak, Ilidža.

Organizator: Klub dizača tegova „Željezničar“ Sarajevo.

Na turniru su nastupili takmičari iz 8 država (Albanije, Nizozemske, Bosne i Hercegovine, Hrvatske, Švedske, Njemačke, Kosova i Turske). Najuspješnija ekipa na turniru je ekipa Hrvatske, a pobjednici u pojedinačnoj konkurenciji po kategorijama su: Zoe Eshuis (NED), Sandra Arends (NED), Elsa de Vries (NED), Cecily Elis Sadowski (NED), Zerin Kobilić (BiH), Mak Numić (BiH), Andy Toha (SWE), Artur Kotarja (ALB), Goran Četković (CRO), Samuel Lundberg (SWE), Amar Musić (CRO), Dino Smajić (BiH) i Franko Ferra (KOS).

Za realizaciju turnira odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI MEMORIJALNI BOKSERSKI TURNIR „MUSTAFA HAJRULAHOVIĆ TALIJAN“

Termin: 19.-24.09.2022. godine.

Mjesto održavanja: Hotel Hills, Ilidža.

Organizator: Bokserski klub „Zlatni ljiljani“.

U Hotelu Hills održan je XIX Međunarodni memorijalni bokserski turnir „Mustafa Hajrulahović Talijan“. Ovaj sportski događaj nosi ime u znak sjećanja na lik i djelo predsjednika BK „Zlatni ljiljani“ Mustafu Hajrulahovića Talijana, te evocira uspomene i trajno podsjeća na heroja odbrane grada Sarajeva. Na turniru je učešće uzelo 17 reprezentacija sa 140 boksera i bokserki iz sedamnaest država (Bosna i Hercegovina, Austrija, Crna Gora, Danska, Finska, Francuska, Nizozemska, Italija, Kipar, Kosovo, Mađarska, Njemačka, Poljska, Rumunija, Srbija, Škotska, Wales). Da turnir prođe u što korektnijem i sportskom duhu, pobrinulo se osam sudija iz šest država (Francuska, Poljska, Nizozemska, Mađarska, Kosovo i Bosna i Hercegovina), dva ljekara iz BiH, te supervizor turnira Adam Kusior iz Poljske.

Za najboljeg boksera turnira proglašen je Hossein Eshiaish Hussein iz Jordana. Najbolji tehničar bio je Mohammad Adnan Abu Jajeh iz Jordana. Najborbeniji par turnira bili su Rodriguez Daniel iz Španija i Ionita Florin iz Rumunije.

Za realizaciju bokserskog turnira odobrena su sredstva iz Budžeta Grada Sarajeva u iznosu od 5.000,00 KM.

MEĐUNARODNI PLIVAČKI MITING „SARAJEVU S LJUBAVLJU 2022“

Termin: 02.-03.04.2022. godine.

Mjesto održavanja: Olimpijski bazen „Otoka“

Organizator: Plivački klub „Bosna“.

Na Međunarodnom plivačkom mitingu „Sarajevu s ljubavlju“ nastupilo je 379 plivačica i plivača iz 31 kluba koji su došli iz pet zemalja. Najuspješnije plivačice po kategorijama bile su: apsolutna kategorija – Lana Pudar, PK Orka Mostar, do 16 godina – Lana Pudar, PK Orka Mostar, do 14 godina – Najya Hana Jukić, PK Velenje Slovenija i Zerina Vrabac, PK Zmaj Alpam Tuzla. Najuspješniji plivači po kategorijama bili su: apsolutna kategorija – Miloš Milenković, PK Budva Crna Gora, do 18 godina – Miloš Milenković, PK Budva Crna Gora, do 16 godina – Kenan Dracić, PK Zmaj Alpam Tuzla i do 14 godina – Martin Ćirković, PK Dinamo Pančevo.

Takmičenje je otvorila zamjenica gradonačelnice Anja Margetić.

Za realizaciju mitinga odobrena su sredstva iz Budžeta Grada Sarajeva od 5.000,00 KM.

MEĐUNARODNI TENISKI TURNIR ZA JUNIORKE I JUNIORE DO 16 GODINA „OPEN RCT BARCELONA 1899 – SARAJEVO 2022“

Termin: 15.-21.08.2022. godine.

Mjesto održavanja: Teniski tereni „CSR Koševo“.

Organizator: Teniski klub „Tenis Pro“.

Na turniru, pored inostranih takmičara, nastupilo je i 27 tenisera i teniserki iz BiH. Teniski turnir „OPEN RCT Barcelona 1899-Sarajevo 2022“ je turnir među dvanaest teniskih turnira u Evropi za

igrača i igračice do 16 godina starosti, sa statusom prve kategorije turnira. Pobjednik turnira kod djevojčica je Emilija Kats iz Rusije, a kod dječaka Kerem Yilmaz iz Turske.

Za realizaciju teniskog turnira odobrena su sredstva iz Budžeta Grada Sarajeva u iznosu od 5.000,00 KM.

MEĐUNARODNI VELEMAJSTORSKI ŠAHOVSKI SUPER TURNIR „BOSNA“ SARAJEVO 2022

Termin: 02.-06.12.2022. godine.

Mjesto održavanja: Hotelu „Hollywood“, Ilidža.

Organizator: Šahovski klub „Bosna“ Sarajevo.

Na turniru je učestvovalo 50 šahista iz Bosne i Hercegovine, Srbije, Hrvatske i Crne Gore. Nakon odigranih 7 kola po Švicarskom sistemu, uz tempo igre od 90 minuta po igraču, uz dodatak od 30 sekundi za svaki potez, najuspješniji je bio GM Emir Dizdarević sa osvojenih 6 poena. Na diobi od 2 do 5 mjesta, sa osvojenih po 5,5 poena su: GM Siniša Dražić, FM Ismet Mešić, GM Miodrag Savić i FM Amir Hadžović.

Za realizaciju turnira odobrena su sredstva iz Budžeta Grada Sarajeva u ukupnom iznosu od 5.000,00.

MEĐUNARODNI TURNIR U SJEDEOČOJ ODBOJCI „SARAJEVO OPEN 2022“

Termin: 27.-29.05.2022. godine.

Mjesto održavanja: KSC „Ramiz Salčin“, Mojnilo.

Organizator: OKI „FANTOMI“.

Pod pokroviteljstvom Grada Sarajeva održan je XXI Međunarodni turnir u sjedećoj odbojci „SARAJEVO OPEN 2022“. Na turniru je učestvovalo osam ekipa, i to: reprezentacija Hrvatske, Italije i Slovenije te ekipe: SDI „Hrabri“ Zagreb, Hrvatska, IOK „Borac“ Banja Luka, IOK „Jedinstvo-Biće“ Brčko, Dresdner DSC, Njemačka i OKI „FANTOMI“ Sarajevo. Zbog korona virusa, turniru je prisustvovao ograničen broj gledalaca, ali svi planirani ciljevi turnira u potpunosti su realizirani. U okviru turnira „SARAJEVO OPEN 2022“ još jedanput je skrenuta pažnja na opasnost od zaostalih mina i NUS-a. Najuspješnija ekipa turnira bila je OKI „Fantomi“ koja je u finalu pobijedila ekipu Dresdner DSC iz Njemačke.

Za realizaciju turnira odobrena su sredstva iz Budžeta Grada Sarajeva u iznosu od 5.000,00 KM.

MEĐUNARODNO SKIJAŠKO TAKMIČENJE „DJECA ZA MIR U SVIJETU“

Termin: 21.-24.02.2022. godine.

Mjesto održavanja: Bjelašnica.

Organizator: Sarajevski skijaški klub „SARAJEVO“.

Pod pokroviteljstvom Grada Sarajeva održano je takmičenje FIS KUP „Djeca za mir u svijetu“ 2022. u alpskom skijanju za djecu do 14 i do 16 godina. Riječ je o jednom od 11 dječjih takmičenja registrovanih u kalendaru Međunarodne skijaške federacije (FIS) koja se održavaju u svijetu svake godine. Tokom posljednjih 20 godina na ovoj utrci učešće su uzeli timovi iz 20 zemalja regije i svijeta. Na takmičenju 2022. godine učestvovalo je 88 takmičara iz devet država (Bosna i Hercegovina, Argentina, Crna Gora, Grčka, Hrvatska, Rumunija, Srbija, Slovenija, Slovačka). Kategorije u kojima su se djevojčice i dječaci takmičili bile su: slalom, veleslalom i super G.

Za realizaciju skijaškog takmičenja odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNO FIS TAKMIČENJE U SNOWBOARDU „EUROPA KUP SARAJEVO“

Termin: 19.-20.02.2022. godine.

Mjesto održavanja: Bjelašnica – Štinji do.

Organizator: Snowboard klub „Free Style“.

Na Europa Kupu Sarajevo 2022. nastupilo je 38 takmičara iz šest zemalja. Najuspješniji takmičari bili su: Lea Jugovac iz Hrvatske, domaći takmičar Affan Žiško i Stefan Edleman iz Srbije u seniorskoj konkurenciji. Amuhairi Amenah iz Ujedinjenih Arapskih Emirata, domaći takmičar Afan Biogradlić i Juge Pešić iz Srbije bili su najbolji u dječjoj konkurenciji.

Za realizaciju takmičenja odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI HRVAČKI TURNIR „KUP GRADA SARAJEVA 2022“

Termin: 08.-09.04.2022. godine.

Mjesto održavanja: R Sport dvorana.

Organizator: Hrvački klub „Bosna“.

Na ovogodišnjem turniru učešće je uzelo oko 150 takmičara iz 17 klubova i 8 država. Takmičenje je održano po pravilima svjetske hrvačke federacije u fair play takmičenju. Sveukupni pobjednik za sve uzrasne kategorije bio je Hrvački klub „BOSNA“ Sarajevo.

Takmičenje je otvorio predsjedavajući Gradskog vijeća Jasmin Ademović.

Za realizaciju turnira odobrena su sredstva iz Budžeta Grada Sarajeva od 5.000,00 KM.

MEĐUNARODNI KUGLAČKI TURNIR ZA SLIJEPE „SARAJEVO 2022“

Termin: 08.-09.04.2022. godine.

Mjesto održavanja: Kuglana „Zetra“.

Organizator: Sportsko društvo slijepih i slabovidnih KS.

Povodom 6. aprila – Dana grada Sarajeva, u kuglani „Zetra“ održan je 13. Međunarodni kuglački turnir za slijepe „Sarajevo 2022“. Na turniru je nastupio 68 kuglaša i kuglašica iz 14 ekipa. Ekipno prvo mjesto osvojila je ekipa KPŠRD Karel Jerah, Ljubljana Slovenija, drugo mjesto ekipa ŠUS Svjetlost, Osijek Hrvatska, treće mjesto SD SIS KS 1, Sarajevo. U pojedinačnoj konkurenciji bilo je šest kategorija, tri muške i tri ženske kategorije. U kategoriji B1 muškarci prvo mjesto osvojio je Mitja Osolnik iz Ljubljane, u kategoriji B2 najbolji je bio Igor Žagar iz Ljubljane, u kategoriji B3 pobjednik je Vedran Dumenčić iz Rijeke, a u kategoriji B4 pobjednik je Zdravko Cegur iz Karlovca. U konkurenciji žena u kategoriji B1 najbolja je bila domaća takmičarka Ivana Bojić, u kategoriji B2 pobjednica je, također, domaća takmičarka Tanja Đukić, dok je u kategoriji B3 pobjednica Ruža Markešić iz Zagreba.

Za realizaciju turnira odobrena su sredstva iz Budžeta Grada Sarajeva od 5.000,00 KM.

MEĐUNARODNI ŠESTOAPRILSKI TURNIR U STRELJAŠTVU

Termin: 07.-09.04.2022. godine.

Mjesto održavanja: Streljana „Zetra“.

Organizator: Streljački klub „Sarajevo“.

Na takmičenju je nastupio rekordan broj takmičara u seniorskoj konkurenciji. Došli su najbolji takmičari 19 ekipa iz deset zemalja, i to: Slovenije, Hrvatske, Crne Gore, Srbije, Sjeverne Makedonije, Mađarske, Češke Republike, Švedske, Francuske, Rumunije i Bosne i Hercegovine. Prvog dana takmičenja na programu su bila takmičenja u ekipnoj i pojedinačnoj konkurenciji u gađanju zračnim oružjem. U ekipnom plasmanu u disciplini puška muškarci najuspješniji su bili takmičari SK Sarajevo koji su ubjedljivo slavili ispred reprezentacije Sjeverne Makedonije, dok su treće mjesto osvojili takmičari SK Visoko. Pojedinačno prvo mjesto osvojio je Peter Sidi iz Mađarske. U konkurenciji žene puška, također, najuspješnije su bile domaće takmičarke SK Sarajevo koje su do pehara za najbolju ekipu došle postavljanjem novog državnog rekorda. Pojedinačno prvo mjesto osvojila je Roxana Sidi iz Rumunije. U muškoj konkurenciji pištoljem najuspješniji su bili takmičari SD Kininda iz Srbije koji su pobijedili ispred takmičara SK Sarajevo i reprezentacije Crne Gore. Pojedinačno u disciplini pištolj najuspješniji su bili takmičari SD Kikinda – Duško Petrov kod muškaraca, a kod žena Jelena Tomić.

Drugog takmičarskog dana takmičari su se borili za simbolične nagrade u pojedinačnoj konkurenciji. Kod žena najuspješnija je bila Slovenka Živa Dvoršak, članica SK Sarajevo koja je sa sjajnim gađanjem u finalu od 251,2 kruga pobijedila ispred Rumunke Roxane Sidi koja je imala 248,4 pogođena kruga. Treće mjesto pripalo je, također, takmičarki SK Sarajevo Segmedini Bjelošević koja je imala 225,5 krugova. Najzbuđljivije finale bilo je kod seniora i pobjednik se nije znao do zadnjeg ispaljenog metka, ipak ponovo je najbolji bio Mađar Peter Sidi, inače aktualni svjetski rekorder i sa pogođenih 249,4 kruga pobijedio ispred takmičara SD Dalmacijacement iz Solina Josipa Sikavice koji je imao samo 0,4 decimale manje, odnosno 249,0 krugova. Treće mjesto pripalo je Slovencu Nejcu Klopčiču koji je imao 224,0 kruga. U gađanju zračnim pištoljem za žene ponovo je najbolja bila Jelena Tomić iz SD Kininda koja je imala 234,4 kruga. Drugo mjesto pripalo je Vlatki Ćubelić iz SD Dalmacijacement koja je imala 225,0 krugova, dok je treće mjesto osvojila reprezentativka Crne Gore Jelena Pantović koja je imala 207,3 kruga.

Takmičenje je otvorio ministar u Vladi Kantona Sarajevo Samir Avdić.

Za realizaciju turnira odobrena su sredstva iz Budžeta Grada Sarajeva od 7.000,00 KM.

MEĐUNARODNI KOŠARKAŠKI TURNIR

Termin: 08.-10.04.2022. godine.

Mjesto održavanja: Centar Skenderija.

Organizator: Košarkaški klub „Koš“.

Na ovogodišnjem turniru učestvovalo je po šest ekipa iz četiri zemlje Hrvatske, Srbije, Crne Gore i Bosne i Hercegovine, u kategorijama kadeta i juniora. U kadetskoj konkurenciji pobijedila je ekipa Mega Mozzart iz Srbije, drugo mjesto osvojila je ekipa SC Derby iz Crne Gore, a treće mjesto pripalo je domaćoj ekipi KK KOŠ. Proglašena je i najbolja petorka turnira u sastavu: Ognjen Srzentić (KK Mega Mozzart), David Mirković (SC Derby), Hamza Đedović (KK Koš), Filip Ružičić (KK SPARS) i Cvitanović Danko (KK Split). Najkorisniji igrač bio je Petar Miosavčević (KK Mega Mozzart).

U konkurenciji juniora prvo mjesto osvojila je ekipa KK Split, drugo mjesto osvojila je ekipa KK Budućnost Bijeljina, a treće pripalo je ekipi KK KOŠ. Najbolja petorka u ovoj konkurenciji bila je u sastavu: Marino Dubravčić (KK Split), Rade Zečević (Budućnost), Mak Selimović (KK KOŠ), Borivje Kojić (KK Spartak) i Vigo Bart (KK Rijeka). Za najkorisnijeg igrača proglašen je Duje Lisica KK Split.

Takmičenje je otvorio zamjenik gradonačelnice Haris Bašić.

Za realizaciju turnira odobrena su sredstva iz Budžeta Grada Sarajeva od 10.000,00 KM.

SARAJEVSKI POLUMARATON – „VIVIA RUN FEST SARAJEVO 2022“

Termin: 18.09.2022. godine.

Mjesto održavanja: Sarajevo.

Organizator: Udruženje za promociju sporta i razvoja „Marathon“ Sarajevo.

Run fest Sarajevo 2022. održan je kao javni sportski i turistički događaj sa razvojnom, edukacijskom i promocijskom ulogom za Bosnu i Hercegovinu i okupio je veliki broj učesnika, kako profesionalnih sportaša, tako i građana koji se rekreativno/amaterski bave sportom. Manifestacija je okupila preko 800 učesnika iz Bosne i Hercegovine, Evrope i svijeta i uključivala je realizaciju tri utrke popraćene zabavnim sadržajem za sve generacije te se u kontekstu ostalih gradskih i državnih sportskih dešavanja pozicionirala kao pravi festival trčanja, druženja, promoviranja zdravog života i pozitivnih vrijednosti. Učestvovali su trkači iz 42 zemlje. Centralni događaj Sarajevo Run fest-a bila je polumaratonska utrka. Pobjednici 15. Sarajevo polumaratona u ženskoj konkurenciji bila je Olivera Jevtić sa vremenom od 1:17:45, dok je u muškoj konkurenciji slavio Stenli Kipruto sa vremenom od 1:08:08.

Za realizaciju manifestacije odobrena su sredstva iz Budžeta Grada Sarajeva u ukupnom iznosu od 10.000,00.

MEĐUNARODNI TURNIR U FUDBALU U-17 „IGRAJ FUDBAL ŽIVI ŽIVOT“

Termin: 10.-12.06.2022. godine.

Mjesto održavanja: Centar za edukaciju, sport i rekreaciju „Safet Zajko“ i Trening centri Igman Ilidža.

Organizator: Udruženje „Profesional“.

Pravo nastupa na takmičenju imali su igrači do 16 godina, a učestvovalo je 8 ekipa.

Ekipa „Slovačko“ u finalu je bila bolja od ekipe NK „Lokomotiva“ Zagreb koja je osvojila drugo mjesto, dok su u borbi za treće mjesto snage odmjerili FK Željezničar i NŠ Mura, a na kraju je NŠ „Mura“ osvojio treće mjesto.

Za najboljeg igrača 11. turnira proglašen je Oliver Stecha (Slovačko), prvi strijelac turnira je Maro Kosović (Lokomotiva Zagreb) sa pet postignutih pogodaka, dok je za najboljeg golmana proglašen Adam Zimčik (Slovačko).

Za realizaciju fudbalskog turnira odobrena su sredstva iz Budžeta Grada Sarajeva u iznosu od 4.000,00 KM.

MEĐUNARODNI SKOKOVI U VODU „BENTBAŠA“

Termin: 06.08.2022. godine.

Mjesto održavanja: Bentbaša.

Organizator: Udruženje za promociju sporta i turizma „SporTur“.

Na ovom sportsko-turističkom događaju nastupilo je 11 takmičara iz Srbije, Crne Gore i Bosne i Hercegovine. Pobijedio je domaći takmičar Mustafa Šarić kojem je ovo bila prva pobjeda u karijeri.

Drugo mjesto osvojio je Evald Krnić iz Crne Gore, a treće Rade Šćepanović, također, iz Crne Gore.

Za realizaciju manifestacije odobrena su sredstva iz Budžeta Grada Sarajeva u iznosu od 3.000,00 KM.

TURNIR U STRELJAŠTVU ZA OSOBE SA INVALIDITETOM

Termin: 02.04.2022. godine.

Mjesto održavanja: Streljana „Zetra“.

Organizator: Streljački savez invalidnih lica FBiH.

U povodu 6. aprila – Dana grada Sarajeva, a u organizaciji Streljačkog saveza osoba sa invaliditetom Federacije Bosne i Hercegovine, na strelištu Zetra održan je 19. Tradicionalni Šestoaprilski turnir u streljaštvu za osobe sa invaliditetom. Učestvovalo je 10 ekipa sa preko 40 strijelaca iz Sarajeva, Zenice, Tuzle, Maglaja, Tešnja, Banovića, Živinica, Donjeg Vakufa i Bijeljine. Prema propozicijama, takmičenje je bilo u ekipnoj i pojedinačnoj konkurenciji, a prema klasifikacijskim grupama. U ekipnom plasmanu prvo mjesto osvojila je ekipa SIK Tuzla sa 531 krugom, drugo mjesto pripalo je SK OSI Novi Grad Sarajevo sa 522 kruga, a treće SKOSI XP Žepče sa 552 kruga. Zlatne medalje po klasifikacijama invalidnosti osvojili su: Šaban Fatić, Velezar Šurbat i Nedžad Muharemović. U ekipnoj konkurenciji kod žena ekipa SKOSI Živinice osvojila je prvo mjesto sa 346 krugova, drugo mjesto osvojila je ekipa SIK Tuzla sa 325 krugova, a treće mjesto pripalo je ekipi SKOSI Tešanj sa 181 krugom. Zlatne medalje po klasifikacijama invalidnosti osvojile su: Azra Gurda, Hasna Hamzić i Mirela Ramić.

Za realizaciju turnira odobrena su sredstva iz Budžeta Grada Sarajeva u iznosu od 2.000,00 KM.

SPORTSKE IGRE MLADIH

Termin: 05.07.-07.07.2022. godine.

Mjesto održavanja: Veliko finale u Sarajevu.

Organizator: Udruženje za sport i rekreaciju mladih.

Na Veliko finale u Sarajevo doputovala su 904 učesnika, pobjednika regionalnih i polufinalnih takmičenja. Veliko međunarodno finale održalo se u Splitu na kojem je učestvovalo 220 predstavnika Bosne i Hercegovine u 10 sportskih disciplina.

Za realizaciju igara odobrena su sredstva iz Budžeta Grada Sarajeva u ukupnom iznosu od 9.000,00 KM.

SPORTSKE IGRE OAZE

Termin: 27.-30.09.2022. godine.

Mjesto održavanja: Sarajevo.

Organizator: Udruženje „OAZA“.

Sportske igre OAZE je takmičenje međunarodnog karaktera koje je okupilo preko 220 takmičara iz Bosne i Hercegovine, Italije, Slovenije i Srbije koji su se na sportskim terenima borili za medalje u sedam sportova: plivanje, nogomet, košarka, atletika, stolni tenis, boćanje i MATP program za osobe sa višestrukim smetnjama. Atletika je održana u Centru za sport i rekreaciju Safet Zajko i okupila oko je 70 takmičara. U MATP programu takmičilo se 10 takmičara koji su imali zadatak da savladaju veoma zanimljiv poligon prepreka koji je prilagođen njihovim mogućnostima i sposobnostima. U plivanju se takmičilo 32 takmičara, isto kao u boćanju, a koji su bili razvrstani u dvije grupe. U nogometu je učestvovalo 6 ekipa, u košarci 4 ekipe, a u stolnom tenisu nastupilo je 36 takmičara raspoređenih u 9 grupa. Najuspješnijim ekipama i pojedincima dodijeljene su medalje.

Za realizaciju igara odobrena su sredstva iz Budžeta Grada Sarajeva u ukupnom iznosu od 2.000,00 KM.

MEĐUNARODNI VATREPOLO TURNIR „SARAJEVO CHAMPIONS CHALLENGE“

Termin: 17-18.09.2022. godine.

Mjesto održavanja: Olimpijski bazen Otoka.

Organizator: Vaterpolo savez KS.

Na turniru su nastupila četiri kluba, i to: Budva, Crvena Zvezda, POŠK i Reprezentacija BiH.

Sa tri pobjede, turnir je osvojila Crvena Zvezda, drugo mjesto osvojila je ekipa POŠK-a, a treće ekipa Reprezentacije BiH. Najbolji igrač je Bakir Hadžić (BiH), najbolji strijelac je Ante Elez (POŠK), a najbolji golman je Viktor Savić (Crvena Zvezda).

Turnir je otvorio ministar u Vladi Kantona Sarajevo Samir Avdić.

Za realizaciju turnira odobrena su sredstva iz Budžeta Grada Sarajeva u ukupnom iznosu od 3.000,00 KM.

MEĐUNARODNA GRADSKA TRKA VIVICCITA

Termin: 03.04.2022. godine.

Mjesto održavanja: Sarajevo.

Organizator: Sportski savez KS.

Na trci je učestvovalo nekoliko stotina takmičara. Najbolji rezultat u zvaničnoj utrci ostvario je Samir Halilović, drugo mjesto zauzeo je Alen Memić, dok je trećeplasirani bio Jasmin Pajević. Kod žena najbrža je bila Alma Hrnjić, drugoplasirana je bila Amela Trožić, a treće mjesto zauzela je Irma Kristić. Trkači su bili podijeljeni u šest kategorija, a osim navedenih takmičara, trčali su učenici osnovnih i srednjih škola, fakulteta, rekreativci i veterani. U kategoriji osnovnih škola prva tri mjesta kod dječaka osvojili su: Hanan Katana, Dogoja Ahmed i Sergej Vražalica. Najbolja djevojčica bila je Nadža Bejdić, drugoplasirana je bila Laura Kujačić, a treće mjesto osvojila je Ema Hodžić. Adnan Efendić osvojio je prvo mjesto u kategoriji srednjih škola, Dino Halilović bio je drugi, dok je trećeplasirani bio Harun Delalić. Kod djevojaka u kategoriji srednjih škola Meldina Osmanović zauzela je prvo mjesto, dok su Nejra Sipović i Hana Hajdarpašić osvojile drugo i treće mjesto. Studenti Fakulteta sporta i tjelesnog odgoja osvojili su prva tri mjesta u kategoriji muškaraca, a to su:

Adi Čizmo, Ismar Merdžić i Nedin Lepenica. Kod djevojaka najbrža je bila Emina Begić sa Elektrotehničkog fakulteta. Kod veterana najbolji rezultat ostvario je Esad Lizde, drugi je bio Haso Hubijar, dok je Hazim Kukuruzović zauzeo treće mjesto. Najbrža veteranka bila je Bojana Đurđević. Trku je otvorio ministar u Vladi Kantona Sarajevo Samir Avdić.

Za realizaciju manifestacije odobrena su sredstva iz Budžeta Grada Sarajeva u ukupnom iznosu od 2.000,00 KM.

IV FINANSIRANJE OD STRANE GRADA SARAJEVA U 2022. GODINI

U segmentu podrške sportskim manifestacijama od posebnog interesa za Grad, a nakon provedene procedure, u 2022. godini sufinansirani su sljedeći projekti:

	Manifestacija	Organizator	Iznos
1	Međunarodni memorijalni judo turnir „Vinko Šamarlić“	Judo klub „Željezničar“	5.000,00
2	Međunarodni memorijalni turnir u dizanju tegova „Andrija Maleč“	Klub dizača tegova „Željezničar“ Sarajevo	3.000,00
3	Međunarodni memorijalni bokserski turnir „Mustafa Hajrulahović Talijan“	Bokserski klub „Zlatni ljiljani“	5.000,00
4	Međunarodni plivački miting „Sarajevu s ljubavlju“	Plivački klub „Bosna“	5.000,00
5	Međunarodni teniski turnir za juniore-ke do 16 godina „Open RCT Barcelona 1899-Sarajevo“	Teniski klub „Tenis Pro“	5.000,00
6	Međunarodni velemajstorski šahovski super turnir „Bosna“ Sarajevo	Šahovski klub „Bosna“	5.000,00
7	Međunarodni turnir u sjedećoj odbojci „SARAJEVO OPEN“	OKI „Fantomi“	5.000,00
8	Međunarodno skijaško takmičenje FIS Kup „Djeca za mir u svijetu“	Sarajevski skijaški klub „SARAJEVO“	3.000,00
9	Međunarodno FIS takmičenje u snowboardu „Europa KUP Sarajevo“	Snowboard klub „Free Style“	3.000,00
10	Šestoaprilski turnir u hrvanju „Kup grada Sarajeva“	Hrvački klub „Bosna“	5.000,00
11	Međunarodni Šestoaprilski turnir u kuglanju za slijepe i slabovidne osobe	Sportsko društvo slijepih i slabovidnih KS	5.000,00
12	Međunarodni Šestoaprilski turnir u streljaštvu	Streljački klub „Sarajevo“	7.000,00
13	Međunarodni Šestoaprilski turnir u košarci	Košarkaški klub „Koš“	10.000,00
14	Sarajevski polumaraton	Udruženje za promociju sporta i razvoja „Marathon“ Sarajevo	10.000,00
15	Međunarodni fudbalski turnir U-17 „Igraj fudbal živi život“	Udruženje „Profesional“	4.000,00

16	Međunarodni skokovi u vodu „Bentbaša“	Udruženje za promociju sporta i turizma „SporTur“	3.000,00
17	Šestoaprilski turnir u streljaštvu za osobe sa invaliditetom	Streljački savez invalidnih lica FBiH	2.000,00
18	Sportske igre mladih	Udruženje za sport i rekreaciju mladih	9.000,00
19	Sportske igre Oaze	Udruženje „OAZA“	2.000,00
20	Međunarodni vaterpolo turnir „Sarajevo Champions Challenge“	Vaterpolo savez KS	3.000,00
21	Međunarodna gradska trka Viviccita	Sportski savez KS	2.000,00

U 2022. godini, za primjenu Odluke o finansiranju sportskih manifestacija od interesa za Grad bio je predviđen iznos od 130.000,00 KM.

Organizatori gore navedenih manifestacija, u 2022. godini dostavili su narativne i finansijske izvještaje sa informacijama o načinu utroška dodijeljenih finansijskih sredstava, kao i o posjećenosti i rezultatima sa takmičenja. Dostavljene informacije su najbolji pokazatelji da su manifestacije koje sufinansira Grad Sarajevo vrhunske kvalitete te da okupljaju mnogobrojne sportiste iz BiH, Evrope i svijeta, a sve veći broj posjetilaca je prisutan takmičenjima.

V ZAKLJUČCI

Grad Sarajevo je u 2022. godini, provodeći Odluku o utvrđivanju i načinu sufinansiranja sportskih manifestacija od posebnog interesa za Grad, a u skladu sa planiranim sredstvima, podržao sve sportske manifestacije koje su se održale.

Provodeći Odluku o utvrđivanju i načinu sufinansiranja sportskih manifestacija od posebnog interesa za Grad, uspjeli smo sačuvati kontinuitet održavanja određenog broja programskih sadržaja u okviru navedenih manifestacija, posebno onih koje se organizuju u povodu 6. aprila – Dana grada Sarajeva.

Grad Sarajevo, provodeći Odluku o sportskim manifestacijama, omogućuje da veliki broj građana našeg grada, a posebno djece i mladih, u toku cijele godine budu neposredni sudionici različitih međunarodnih sportskih sadržaja koji iz godine u godinu dobivaju na masovnosti, a posebno kvaliteti.

Grad Sarajevo, kao olimpijski i sportski grad, će i ubuduće ulagati napore da sufinansira i podržava razne sportske sadržaje kako bi se na taj način animirali građani, posebno djeca i mladi, da prate sadržaje ovih sportskih manifestacija, te da se i sami uključe u rad sportskih udruženja.